


儀禮經傳通解

世六世七

12
3081
15止



儀禮集傳集註

王朝禮十三

儀禮集傳集註

王制之壬師田

周禮大宗伯以軍禮同邦國同謂威其不協

別有大均之禮恤衆義勇

也均其地政地守地大田之禮簡衆也古者

職之賦所以憂民大役之禮任衆也築官邑所以

封之禮合衆也正封疆溝塗之固○太司馬

凡制軍萬有二千五百人為軍小司徒會萬

民之卒伍而用之五人為伍五伍為兩四兩

為卒五卒為旅五旅為師五師為軍以起軍

儀禮集傳集註

旅以作田役以比追齊比毗志反○用謂使

軍皆衆之名兩二十五人卒百人旅五百人師二千五百人軍萬二千五百人此皆先王所因農事定軍令者也欲其思足相卹義足相救服容相別音聲相識作為也役功之力之事追逐野九夫為井四井為邑四邑為丘四

丘為甸四甸為縣四縣為都以任地事而令

貢賦凡稅斂之事賦謂出車徒給絲役也司馬法曰六尺為步百為

通為匹馬三十家士一人徒二人通十為成成百井三百家革車一乘士十人徒二十人十成為終終十井三千家革車十乘士百人徒二百人十終為同同方百里萬井三萬家革車百乘士千人徒二千人○族師

五家為比十家為聯五人為伍十人為聯四

閭為族八閭為聯使之相保相受刑罰慶賞

相及相共比毗志反聯音連○若作民而師田行役則合其卒伍簡其兵器以鼓鐸旗物帥而至掌其治令戒禁刑罰鐸徒各反○亦於軍因為卒長

○大司馬凡制軍萬有二千五百人為軍王六軍大國三軍次國二軍小國一軍軍將皆

命卿二千有五百人為師師帥皆中大夫五百人為旅旅帥皆下大夫百人為卒卒長皆上士二十五人為兩兩司馬皆中士五人為伍伍皆有長將子亮反帥所類反長丁丈反○軍師旅卒兩伍皆衆名也伍

一、比兩一、間卒、一、旅旅、一、黨師、一、州軍、一、鄉家、所出、一、人將帥、長司馬者、其師吏也、言軍將皆命卿、則凡軍帥不特置選於六官、以九六、鄉之吏、自鄉以下、德任者、使兼官焉、**伐之、灋正邦國**、諸侯有違王命、則出兵以征之、如樹木之有根、**馮弱犯寡則責之**、馮、皮冰、本是以言伐之、馮、猶乘、陵也、言不字小而侵侮之、景、反、馮、猶瘦也、王霸記曰、四面削其地、**賢害民則伐之**、春秋傳曰、粗者曰侵、精者曰伐、又曰、有鐘鼓曰伐、則伐者、兵入其竟、鳴鐘鼓、**暴內陵外則壇之**、壇、音善、以徃所以聲其罪、暴、內、陵、外、則、壇、之、其國外謂諸侯壇、讀如同、壇之壇、王霸記曰、置之空壇、之地、鄭司農云、壇、讀從、憚、之、以威之、憚、書亦或為、壇、玄謂置之空壇、以出其君、更立其次、賢者、**野荒民散則刑之**、荒、蕪也、田不治、民不附、**負固不服則侵**、刑、其地、明其不能、有、負、固、不、服、則、侵、

之、負、固、特也、固、險可、依、以、固、者也、不、服、不、事、大也、侵之者、兵加其竟、而已、用兵、淺者、詩曰、**密人不恭、王師伐之**、**賊殺其親則正之**、正之者、執而治其罪、王霸記曰、**其君則殘之**、殘、殺也、王霸記曰、**放逐也**、**犯令陵政則杜之**、令、猶命也、王霸記曰、**犯令者違命也**、陵、政者、輕政法、**外內亂鳥獸行則滅之**、使不得與鄰國交通、**外內亂鳥獸行則滅之**、行、下、孟、反、○王霸記曰、**倖人倫、外內無以異、于禽獸、不可親、百姓則誅滅去之也**、曲禮曰、**夫唯禽獸無禮、故父子聚麀**、**○中春敎振旅司馬以旗致民、平列陳如戰之陳**、於其下也、兵者守國之備、孔子曰、**以不教民戰、是謂棄之**、兵者凶事、不可空設、因蒐狩而習之、凡師出曰治

兵入曰振旅皆習戰也四時各教民以其

焉春習振旅兵入收衆專於農平猶正也

辨鼓鐸錫鈺之用王執路鼓諸侯執黃鼓軍

將執晉鼓師帥執提旅帥執鞀率長執鈺兩

司馬執鐸公司馬執錫鐸徒各反錫直各反

帥所類反提徒考反鞀蒲方反○鼓人職曰

以路鼓鼓鬼事以黃鼓鼓軍事以晉鼓鼓金

奏以金鑊止鼓以金鐸通鼓以金錫節鼓鄭

司農云辨鼓鐸錫鈺之用謂鈺鐸之屬錫讀

如濁其源之濁鐸讀如謹曉之曉提讀如攝

提之提謂馬上鼓有曲木提持立馬髦上者

故謂之提杜子春云公司馬謂五人為伍伍

之司馬也玄謂王不執黃鼓尚之於諸侯也

伍長謂之公司馬以教坐作進退疾徐疏數

者雖卑同其號○遂以蒐田有司表貉誓民鼓

之節數音朔習戰法

遂圍禁火弊獻禽以祭社蒐所留反貉莫駕

司大司徒也掌大田役治徒庶之政令表貉

立表而貉祭也誓民誓以犯田法之罰也誓

日無干車無自後射立旌遂圍禁旌弊爭禽

而不審者罰以假馬禁者虞衡守禽之屬禁

也既誓令鼓而圍之遂蒐田火弊火止也春

田主用火因焚萊除陳草皆殺而火止獻猶

致也屬也田止虞人植旌衆皆獻其所獲禽

馬詩云言私其豨獻肩于公春田主祭社者

土方施生也鄭司農云貉讀為禡禡謂師祭也書亦或為禡中夏教姜舍

如振旅之陳羣吏撰車徒讀書契辨號名之

用帥以門名縣鄙各以其名家以號名鄉以

州名野以邑名百官各象其事以辨軍之夜

事其他皆如振旅芟蒲未反撰息轉反○芟

讀如萊沛之沛芟舍草止

四

之地軍有草止之法撰讀曰算算車徒謂數
 擇之也讀書契以簿書校錄軍實之凡要號
 名者徽識所以相別也鄉遂之屬謂之名家
 之屬謂之號百官之屬謂之事在國以表朝
 位在軍又象其制而為之被之也以備死事帥
 謂軍將及師帥旅帥至伍長也以門名者所
 被徽識如其在門所樹者也凡此言以也象
 也皆謂其制同耳軍將皆命卿古者軍將蓋
 為管治於國門魯有東門襄仲宋有桐門右
 師者上卿為軍將者也縣鄙謂縣正鄙師至
 鄰長也家謂食采地者之臣也鄉以州名亦
 謂州長至此長也野謂公邑大夫百官以其
 職從王者此六者皆書其官與名氏焉門則
 襄仲古師明矣鄉則南鄉甌東鄉為人是也
 其他象此云某某之名某某之號某某之事
 而祀未盡聞也鄉遂大夫文錯不見以其素
 信于民不為軍將或為諸帥是以闕焉夜事
 戒夜守之事草止者慎於夜於是主別其部
 職遂以苗田如蒐之灋車弊敵禽以享約餘

略反○夏田為苗擇取不孕任者若治苗去
 不秀實者云車弊驅獸之車止也夏田土用
 車示所取物希者皆殺而車止王制曰天子
 殺則下大綏諸侯殺則下小綏大夫殺則止
 佐車佐車止則百姓田獵約宗廟之夏祭也
 冬夏田土干祭宗廟者陰陽始起象神之在

丙 中秋教治兵如振旅之陳辨旗物之用王

載太常諸侯載旂軍吏載旗師都載旛鄉遂
 載物郊野載旒百官載旗各書其事與其號
 焉其他皆如振旅

大夫也鄉遂鄉大夫也或載旛或載物眾屬
 軍吏無所將也郊謂鄉遂之州長縣正以下
 也野謂公邑大夫載旒者以其將羨卒也百
 官鄉大夫也載旗者以其屬衛王也凡旌旗
 有軍衆者畫異物無者帛而已書
 當為畫事也號也皆書以雲氣

遂以獮田

如蒐田之灋羅弊致禽以祀絜絜音方○秋也羅弊絜絜止也秋田主用絜中殺者多也皆殺而絜止絜當為方聲之誤也秋田主祭四

方報成萬物詩中冬教大閱春辨鼓鐸夏辨物曰以社以方至冬大閱簡軍實凡頒旗物以出軍之旗則如秋以尊卑之常則如冬司常佐司馬時也

大閱備軍禮而旌旗不前期羣吏戒眾度備戰灋羣吏鄉虞人菜所田之野為表百步則

一為三表又五十步為一表田之日司馬建旗于後表之中羣吏以旗物鼓鐸鑼各帥

其民而致質明弊旗誅後至者乃陳車徒如戰之陳皆坐鄭司農云虞人菜所田之野

卒汚萊玄謂萊芟除可陳之處後表之中五十步表之中央表所以識正行列也四表精

二百五十步左右之廣當容三軍步數未聞致致之司馬質正也弊什也皆坐當聽誓

羣吏聽誓于陳前斬牲以左右徇陳曰不用命者斬之羣吏諸軍帥也陳前南面鄉表也

戎司徒摺拊北面以誓之此大閱禮實正歲之中冬而說季秋之政於周為中冬為月令

者失之矣斬牲者小子也凡誓中軍以鼙令鼓鼓人皆三鼓司馬振鐸羣吏作旗車徒皆

作鼓行鳴鑼車徒皆行及表乃止三鼓撫鐸羣吏弊旗車徒皆坐撫音鹿○中軍中軍之

居一偏羣吏既聽誓各復其部曲中軍之將令鼓鼓以作其士眾之氣也鼓人者中軍之

將師帥旅帥也司馬兩司馬也振鐸以作衆
作起也既起鼓人擊鼓以行伍長鳴鐸以
節之伍長曰公司馬及表自後表前至第
二表也三鼓者鼓人也鄭司農云讀如弄
玄謂如逐鹿之鹿掩上振之為擣擣者止以行
息氣也司馬法曰鼓聲不過過間鼙聲不過關
鐸聲不
過琅
又三鼓振鐸作旗車徒皆作鼓進鳴

鐸車驟徒趨及表乃止坐作如初驟士救反
○趨者起

敵尚疾之漸也春秋傳曰先人有
奪人之之心及表自第一前至第三
乃鼓車馳

徒走及表乃止及表自第三
鼓戒三闕車三

發徒三刺闕若穴反
鼓戒戒攻敵鼓壹闕

乃鼓退鳴鏡且卻及表乃止坐作如初卻起
略反

○鏡所以止鼓軍退卒長鳴鏡以和衆鼓人
為止之也退自前表至後表鼓鐸則同習戰

之禮出入一也異
者廢鐸而鳴鏡
遂以狩田以旌為左右和

之門羣吏各帥其車徒以敘和出左右陳車

徒有司平之旗居卒間以分地前後有屯百

步有司巡其前後險野人為主易野車為主

狩手又反分其間反易以鼓反○冬田為狩
言守取之無所擇也軍門曰和今謂之壘門

立兩旌以為之叙和出用次第出和門也左
右或出而左或出而右有司平之鄉師居門

正其出入之行列也旗軍吏所載分地調其部
曲疏數前後有屯百步車徒異羣相去之數

也車徒異出和門鄉師又巡其行陳鄭司農
云險野人為主人居前易野車為主車居前

既陳乃設驅逆之車有司表貉于陳前驅起
具反

○驅驅出禽獸使趨田者也逆逆
要不得令走設此車者田僕也
中軍以鞶

令鼓鼓人皆三鼓羣司馬振鐸車徒皆作遂

鼓行徒銜枚而進大獸公之小禽私之獲者

取左耳羣司馬謂兩司馬也枚如箸銜之有

行之也鄭司農云大獸公之輸之於公小禽私

之自異也詩云言私其穧獸肩于公一歲

為穧二歲為犯三歲為特四歲為肩五歲為

讀為鹿爾雅曰豕生三曰豕豕北曰豕麋牡

日鹿獲得也得禽獸者取左耳當以計功

及所弊鼓皆駮車徒皆課駮胡措反課素報

符徒乃弊致禽饁獸于郊入獸禽以享烝饁音

餽反徒乃弊徒止也冬田主用衆物多衆

得取也致禽饁獸于郊聚所獲禽因以祭四

方神於郊月令季秋天子既田命主及師大

合軍以行禁令以救無辜伐有罪師所謂王

同司馬起師合軍以從所以威天下武若太師

則掌其戒令涖太上帥執事涖釁主及軍器

釁許慎反大師王出征伐也涖臨也臨大

上出兵吉凶也司馬法曰上上卜下謀是謂

至者比毗志反此或作庀鄭司農云致謂

馬比校也及戰巡陳眠事而賞罰眠音視○事

次之也

若師有功則左執律右秉鉞以先愷樂獻于

社鉞音越○功勝也律所以聽軍聲鉞所以

功干社也司馬法曰得意則愷樂愷歌示喜

也鄭司農云故城濮之戰春秋傳曰振旅愷

以入若師不功則厭而奉主車厭於涉反

謂厭冠喪服也軍敗則以喪禮故秦伯之敗

於穀也春秋傳曰秦伯素服郊次鄉師而哭

玄謂厭伏冠也奉猶送也送主歸於廟與社

○司常國之大閱贊

大夫士建物師都建旗州里建旗縣鄙建旒

道車載旒旒車載旌仲冬教大閱司馬主其

畫成物之象王畫日月象天明也諸侯畫交

龍一象其升朝一象其下復也孤卿不畫言

奉王之政教而已大夫士雜帛言以先王正

道佐職師都六鄉六遂大夫也謂之師都

民所聚也畫熊虎者鄉遂出軍賦象其守猛

莫敢犯也州里縣鄙鄉遂之官互約言之鳥

隼象其捷勇也龜蛇象其扞難辟害也道車

象路也王以朝夕燕出入於車木路也王以

田以鄙全羽析羽五色象其文德也大

閱王乘戎路建大常焉玉路金路不出○巾

車木路前樊鵠纓建大麾以田前音翦樊步

反麾呼為反○木路不輓以革漆之而已前

讀為緇翦之翦淺黑也木路無龍勒以淺黑

飾章為樊鵠色飾章為纓不言就數飾與革

路同大麾不在九旗中以正色言之則黑夏

后民所建田○田僕掌馭田路以田以鄙馭

御○田路木路也田田掌佐車之政佐亦設驅

逆之車驅起御反○驅禽使前趨獲逆令

獲者植旌以告獲也及獻比禽田比志反

夫馳提猶舉也晉猶抑也使入扣而司几

筵甸役則設熊席右漆几甸音田○謂王甸

○迹人掌邦由之地政為之厲禁而守之

者與其毒矢射者麇音迷卯力管反○為其

○肆師凡師甸用牲于社宗則為位甸音

虞中乃屬禽及郊饁獸舍奠于祖禴乃斂禽

禴牲禴馬皆掌其祝號屬音燭饁于輒反

○典瑞牙璋以起軍旅以治兵守鄭

帥有司而立軍社奉主車軍有司大祝也

及遷廟而以主行社主軍社遷主曰祖

若軍將有事則與祭有司將事

主蓋用石為若軍將有事則與祭有司將事

○

○

○

○

○

○

音釋禴音誅祝之秀

鄭

王

社

事

十

于四望

軍將有事將與敵合戰也鄭司農云則與祭謂軍祭表禡軍社之屬小宗

伯與其祭事玄謂與祭有司謂大祝之屬蓋司馬之官實典焉 ○大祝大師

宜于社造于祖設軍社類上帝國將有事于

四望及軍歸獻于社則前祝

大並音泰造也報反鄭司農

說設軍社以春秋傳曰所謂君以師行被社

讐鼓祝奉以從者也則前祝大祝自前祝也

玄謂前祝者王出也歸也將有事於此神大祝居前先以祝辭告之 ○大師大

師執同律以聽軍聲而詔吉凶

師大起軍師兵書曰王者行師出軍之日授將弓矢士卒振旅將張弓大呼大師吹律合

音商則戰勝軍士強角則軍擾多變失士心

宮則軍和士卒同心徵則將急數怒軍士勞

初則兵弱必威明鄭司農說以師曠曰吾驟歌北風又歌南風南風不競多死聲楚必無

功 ○太史大師抱天時與大師同車

太史與大師之

大音泰 ○鄭司農云大出師則太史主抱式以知天時處卦內史官主知天道故國語曰

吾非瞽史 ○鼓人掌教六鼓四金之音聲以

馬知天道 節聲樂以和軍旅以正田役以鼗鼓鼓軍事

以鼗鼓鼓役事凡軍旅夜鼓鼗

反 ○鼗夜戒守鼓也司馬法曰昏鼓四通為大鼗夜半三通為晨戒且明五通為發响

軍動則鼓其衆田役亦如之 ○挈壺氏

凡軍事縣壺以序聚擻

縣音玄擻音託 ○鄭以序聚擻以次更聚擊擻備守也

玄謂擊擻兩木相敲行夜時也 ○銜枚氏

軍旅令銜枚 為其言語以相誤 ○環人掌致師

其必戰之志古者將戰先使勇力之士犯敵
馬春秋傳曰楚許伯御樂伯攝叔為右以致
晉師許伯曰吾聞致師者左射以散代御執轡御
樂伯曰吾聞致師者左射以散代御執轡御
下柵馬擗鞞而還攝叔曰吾聞致師者右
入壘折馘執俘而還皆行其所聞而後之察

軍慝軍中有所為者則執之○慝陰姦也視四方之故

○謀賊反折衝禦侮者所謂折衝禦侮○巡邦國搏謀賊搏音博

○謀賊反折衝禦侮者所謂折衝禦侮○巡邦國搏謀賊搏音博

軍旅為之威武以觀敵○降圍邑降戶江

邑欲降者受而降之○大司寇大軍旅涖殺春秋傳曰齊人降鄆

于社社謂社主在軍者也鄭司農說以○大

司樂王師大獻則令奏愷樂愷可反○天子將

出征類乎上帝宜乎社造乎禰禡於所征之

地造七報反禰乃禮反禡馬怕反○受命於祖

也告祖○受成于學定兵謀也○出征執有罪反釋奠于

學以訊馘告馘古獲反○釋菜奠幣禮先師

訊獲醜又曰在類馘○兵車不式尚威武

車綏旌綏耳崔反○盡飾也綏謂○德車結旌

不盡飾也結謂收斂之也德車乘車○史載筆士載言謂從於會

職以待事也筆謂書具之屬言謂會同盟要之辭○前有水則載青旌

前有塵埃則載鳴鳶為前○前有車騎則載飛鴻前

有士師則載虎皮前有○擊獸則載貔戴音

鳥來反為悅專反。魏婢支反。貉許求反。○載謂舉於旌首以警眾也。禮君行師從鄉行旅從前驅舉此則士眾知所行。舉各以其類。象青雀水鳥為鳴則將風。鴻取飛有行列也。士師謂兵眾。虎取其有威勇也。魏貉亦犖獸也。書曰如虎如魏士或為仕。行前

朱鳥而後玄武左青龍而右白虎招搖在上


急繕其怒也。繕讀曰勁。又畫招搖星於旌旗

上以起居。堅勁軍之威怒象天帝。進退有度也。招搖星在北斗杓端。主指者。

度謂伐。左右有局各司其局。局部分也。與步數。左右有局各司其局。局部分也。與步數。

戰陳圖

後漢志云立秋之日斬牲驅劉肆孫吳六十四陳今按諸葛亮魚復平沙石磧八陳如左



風后握機文曰天陳地陳風陳雲陳虎翼陳蛇蟠陳飛龍陳鳥翔陳八陳四為正四為奇

陳去聲蟠蒲官反○公孫洪曰世有八卦陳法其中既不用奇正似非風后所傳未可參用餘奇為握機或總稱之先出遊軍定兩端

天有衝地有軸前後有衝風附於天雲附於地衝有重列各四隊重直龍反前後之衝各二隊

風居四維故有圓軸單列各二隊前後之衝各三隊雲居四角故有方天居兩端地居中

間總為八陳陳訖遊軍從後躡敵躡昵或驚其左或驚其右聽音望麾以出四奇麾呼天為反

地之前衝為虎翼風為蛇蟠圍繞之義也虎居於中張翼以進蛇居兩端向敵而蟠以應之天地之後衝為飛龍雲為鳥翔突擊之義也龍居於中張翼以進鳥掖兩端向敵而翔以應之虛實二壘皆逐天文氣候向背山川利害隨時而行以正合以奇勝○金鼓旌旗數角音二初警眾末收眾革音五一持兵二結陳三行四趨走五急關金音五一緩關二止關三退四背五急背麾法五一玄二黃三白四青五赤旗法八一天玄二地黃三風青

一作四雲白五天前上玄六天後上玄七地

前上黃八地後上黃二革二金下青為天三革三

金為地二革三金為風三革二金為雲四革

三金為龍二革四金為虎四革五金為鳥五

革四金為蛇此八陳各用金鼓之制其金革

之間加一角音者在天為兼風在地為兼雲

在龍為兼鳥在虎為兼蛇加二角音者金師

進東加三角音者金師進南加四角音者金

師進西加五角音者金師進北鞞音不止者

行伍不整鞞徒刀反金革既息而角音不止

行戶即反

者師並旋三十二隊天衡八隊天前衝八隊

天後衝十六隊風二十四隊地軸十一隊地

前衝十二隊地後衝十六隊雲以天地前衝

為虎翼天地後衝為飛龍風為蛇蟠雲為鳥

翔天地以下八重以列或曰握機望敵即引

其後以持角前列不動持舉綺反○公孫洪

而前列先或合而為一因離而為八各隨師

進以次之之多少觸類而長長丁反天或圓布不動前為

右後為左天地四望之屬是也天居兩端其

次風其次雲左右相向是也公孫洪曰地方

此為靜

在前
疑行
字

儀禮經傳通解卷三十六

布風雲各在前後衝之前天居兩端其次地
居中間兩地為比是也公孫洪曰此為動為

即張形布勢被敵攻圍縱布天一二次之
不定其形故為動也

縱布地四次於天後縱布四風挾天地之左

右天地前衝居其右後衝居其左雲居兩端

虛實二壘則此是也縱子容反○公孫洪曰

人多傳韓信註釋天或

圓布以下與此微有差異而范蠡樂毅之說

相雜今亦錯綜於其中其部隊或三或五或

三十一或五十一陣圖如此變通由人一本自或

五十一以下云變通之理寄之明哲不復備載

近古以來其文不蒲尺多憑口訣以相傳授

于今於難解之處增字以發明之○八陣法

六十四陳天衝十一六陳居兩端地軸十一二陳

居中間天衝四陳居右後衝四陳居左地

前衝六陳居前後衝六陳居後風八陳附天

雲八陳附地合為八陳天衝并前後衝二

四陳合風八陳為三十二陽地軸并前後衝

二四陳合雲八陳為三十二陰遊軍二

四陳在六十四陳之後凡行軍結陳合戰設

疑補闕全在遊兵天地之前衝為虎翼風為

蛇蟠兵家先陰以右為前又風從虎虎與蛇

皆陰類同位西北也天地之後衝為飛龍雲

為鳥翔兵家後陽以左為後又雲從龍龍與

鳥皆陽類同位東南也以天地風雲為四正

以龍虎鳥蛇為四奇所謂八陳也每以二陳

相從一陳之中又有兩陳一戰一守故又有

三十二隊天衝二十四隊地軸等數也中外

有輕重之權陰陽有剛柔之節彼此有虛實

之地主客有先後之數輕重之權剛柔之節

者家計也以實擊虛以先奪後者為變也

不致於人此其兵也○先王

之治順天之道設地之宜官民之德而正名

儀禮經傳通解

卷三十六

十六

治物立國辨職以爵分祿諸侯悅懷海外

來服獄弭而兵寢寢七反聖德之治也其次賢

王制禮樂法度乃作五刑興甲兵以討不義

巡狩省方狩手又反會諸侯考不同其有失

命亂常背德背蒲反逆天之時而危有功之君

徧告於諸侯徧音遍彰明有罪乃告于皇天上

帝日月星辰禱于后土四海神祇山川塚社

禱都皓反祇翹乃造于先王造七報反然後冢宰

徵師于諸侯曰某國為不道征之以某年月

日師至于某國會天子正刑冢宰與百官布

令於軍曰入罪人之地無暴神祇無行田獵

無毀土功無燔牆屋燔音煩無伐林木無取六

畜禾黍器械畜許六反見其老幼奉歸勿傷

雖遇壯者不校勿敵敵若傷之醫藥歸之既

誅有罪王及諸侯修正其國舉賢立明正復

厥職詞馬○天下有道禮樂征伐自天子出

必以歲之孟秋賞軍帥武人于朝帥所類反

簡練傑俊任用有功命將選士以誅不義將

亮於是孟冬以級授軍司徒擯扑北面而誓

之擯音薦○以等誓于社以習其事先期五

日太史誓于祖廟大音擇吉日齊戒告于郊

社稷宗廟既筮則獻兆於天子天子使有司

以牲特告社告以所征之事而受命焉舍奠

于帝學以受成舍音釋成謂師律已成定然後乃類上

帝柴于郊以出以齊車遷廟之主及社主行

大司馬職奉之齊側皆反下同言使大無司馬奉所遷廟社之主

遷廟主則以幣帛皮圭告于祖禩禩乃謂之禮反

主命亦載齊車凡行主皮圭幣帛皆每舍奠

焉而後就館言廟社之主及皮圭幣帛之主命每所至之地舍奠

主車止于中門之外外門

之內廟主居于道左社主居于道右其所經

名山大川皆祭告焉○及至敵所將戰大史

上戰日卜右御先期三日有司明以敵人罪

狀告之史史定誓命戰日將帥陳列車甲卒

伍于軍門之前有司讀誥誓使周定三令五

申既畢遂禱戰祈克于上帝然後即敵將士

戰全已克敵史擇吉日復禡於所征之地禡馬

頓兵傷士也戰不克則不告也○凡類禡皆

用甲丙戊庚壬之剛日有司簡功行賞不稽

于時其用命者則加爵受賜于祖奠之前其

奔北犯令者則加刑罰戮于社主之前書稱

則賞于祖弗用命則戮于社然後鳴金振旅有司徧告捷

于時所有事之山川○既至舍于國外三日

齋以特牛親格于祖禰然後入設奠以反主

舍音赦齊側皆反禰乃禮反若主命則卒奠

斂玉埋之于廟兩階間言埋玉則幣帛焚之反社主如

初迎之禮舍奠于帝學以訊馘告大享于羣

吏用備樂饗有功于祖廟舍爵策勲焉謂之

飲至此天子親征之禮也舍奠之舍音釋馘古獲反舍爵之舍

音捨○並孔○曾子問曰古者師行必以遷

廟主行乎孔子曰天子巡守以遷廟主行載

于齊車言必有尊也今也取七廟之主以行

則失之矣齊側皆反○當七廟五廟無虛主

虛主者唯天子崩諸侯薨與去其國與禘祭

於祖為無主耳洽音○曾子問曰古者師行

無遷主則何主孔子曰主命問曰何謂也孔

子曰天子諸侯將出必以幣帛皮圭告于祖

禰遂奉以出載于齊車以行每舍奠焉而後

就舍以肺醢禮神乃敢即安也反必告設奠

儀禮卷之二十一 卷之二十一 十九

並禮記 ○乘兵車出先刃入後刃不刃軍

尚左左陽也陽主生將軍有廟勝卒尚右陰

也陰主殺卒之行伍以右 ○有虞氏戒於國

中欲民體其命也夏后氏誓於軍中欲民先

成其慮也殷誓於軍門之外欲民先意以待

事也周將交刃而誓是以致民志也夏后氏

正其德也未用兵之刃故其兵不雜殷義也

始用兵之刃矣周力也盡用兵之刃矣夏賞

於朝貴善也殷戮於市威不善也周賞於朝

戮於市勸君子懼小人也三王彰其德一也

後夏
右氏
之上
當有
戎車
之二
字

朝直道反 ○夏后氏曰鉤車先正也殷曰寅

車先疾也周曰元戎先良也旂夏后氏玄首

人之執也殷白天之義也周黃地之道也章

夏后氏以日月尚明也殷以虎尚威也周以

龍尚文也法司馬 ○天子命將出征親繫齊盛

服設奠于祖以詔之將子亮反繫音繫齊大

將先入軍吏畢從皆北面再拜稽首而受稽音

啓受 ○天子當階南面命授之節鉞大將受

鉞音越 ○謂天子乃東向西面而揖之謂轉

自東而揖謂示弗御也則不御坐然後告太社

冢宰執蜃宜於社之右蜃時軫反○左傳云

肉盛以南面授大將大將北面稽首再拜而

受之承所頒賜于軍吏頒音其出不類其克

不禡禡馬戰之所在有大山川則祈焉禱克

于五帝捷則報之振旅復命簡異功勳親告

廟告社而後適朝朝直遙反○孔○祈勝之

禮命勇謀之將以禦敵先使之迎於適所從

來之方為壇祈克乎五帝衣服隨其方色執

事人數從其方之數從其方之數則北方七

人西方牲則用其方之牲祝史告于社稷宗

廟邦域之內名山大川君親素服誓衆于太

廟曰大音泰某人不道侵犯大國二二子尚皆

同心比力志反死而守將帥稽首再拜受命

將子亮反帥所類既誓將帥勒士卒陳于廟

之右陳音啓君立太廟之庭祝史立于社百官

各警其事御于君以待命乃大鼓于廟門詔

水帥命卒習射三發擊刺三行告廟用兵于

敵也五兵備效乃鼓而出以即敵此諸侯應

敵之禮也應於證反○孔○帥師者受命於

廟受服於社社之肉盛以將帥受命

者將率入軍吏畢入皆北面再拜稽首受命

天子南面而授之鉞東行西面而揖之示弗

御也將子亮反帥率並所類反稽音啓○將居軍中之禮

介胄在身執銳在列雖君父不拜若不幸軍

敗則駟騎赴告不載橐囊將子亮反胄直又橐音日橐音羔

之外三日大夫素服哭于社亦如之亡將失

城則皆哭七日軍敗三日哭將亡城失則七日哭蓋輕重之差天子

使使迎于軍命將帥無請罪然後將帥結草

自縛袒右肩而入蓋喪禮也帥所類反並孔叢子

齊桓公既立參國伍鄙之法見制問於管子

曰吾欲從事於諸侯其可乎欲行伯道管子討不義也

對曰未可國未安桓公曰安國若何管子對

曰脩舊法伯王之法擇其善者而業用之業猶創也遂

滋民與無財遂育也滋長也無財者振業之也而敬百姓則

國安矣桓公曰諾遂脩舊法擇其善者而業

用之遂滋民與無財而敬百姓國既安矣桓

公曰國安矣其可乎管子對曰未可君若正

卒伍脩甲兵周禮五人為伍百人為卒今管子亦以五人為伍而以二百人為卒

則大國亦將正卒伍脩甲兵則難以速得

為軍 掌令 一作 即寄 軍令

志矣君有攻伐之器小國諸侯有守禦之備
 則難以速得志矣君若欲速得志於天下諸
 侯則事可以隱令可以寄政事戎事也隱匿
 令託於國政若有桓公曰為之若何管子曰
 征伐鄰國不知也也寄託也匿軍
 作內政而寄軍令焉內政國政也因治桓公
 曰善管子於是制國五家為軌軌為之長長
 丈反下同○軌中十軌為里里有司
 一人為之長也有司四
 里為連連為之長十連為鄉鄉有良人焉賈
 中云良人鄉士也昭以為軍令五家為
 謂良人鄉大夫也掌令五家為
 軌故五人為伍軌長帥之居則為軌出則為
 伍所謂寄政也

十軌為里故五十人為小戎里有司帥之小戎
 兵車也此有司之所乘故曰小戎詩云小戎
 綏收古者戎車一乘步卒七十二人今齊八五
 十人四里為連故二百人為卒連長帥之十連
 為鄉故二千人為旅鄉良人帥之五鄉一帥
 故萬人為一軍五鄉之帥帥之一帥之帥並
 所類反○五
 鄉每軍一軍為五鄉也鄉帥帥也萬人為軍三
 齊制也周則萬二千五百人為軍帥長也三
 軍故有中軍之鼓有國子之鼓有高子之鼓
 春以狻振旅狻色牛反○春田曰狻振整也
 旅衆也周禮仲春教振旅遂以
 狻也秋以獮治兵獮息典反○秋田曰獮周
 禮仲秋教治兵遂以獮田
 也
 是故卒伍整於里軍旅整於郊內教既成

令勿使遷徙遷徙猶改更也伍之人祭祀同福死喪

同恤恤憂也禍災共之人與人相疇家與家相

疇疇匹也世同居少同游故夜戰聲相聞足以

不乖晝戰目相視足以相識其歡欣足以相

死少詩以相救也致居同樂行同和死同哀是

以守則同固戰則同疆君有此士也三萬人

以方行於天下樂音洛方猶橫也以誅無道以屏周

室屏猶藩也天下大國之君莫之能禦也禦當也

○荀卿子曰仁人之兵聚則成卒散則成列

卒卒伍行列行列言動皆有備也延則若莫邪之長刃嬰之者

斷允則若莫邪之利鋒當之者潰邪于嗟反

也與隊同謂聚之使短潰壞散也圜居而方

正則若盤石然觸之者角摧摧徂回反○圜

時也則如大石之不可移動也○王者之軍制將死鼓將子

傳曰師之耳目在吾旗鼓也御死轡百吏死

職士大夫死行列聞鼓聲而進聞金聲而退

順命為上有功次之轡音秘行戶江反○軍

次令不進而進猶令不退而退也其罪惟均

令教令也言使之不進而進不殺若弱不獵

禾稼獵與躡同踐也服者不禽格者不赦轉命者不

獲服謂不戰而退者不追格謂相拒得

也凡誅非誅其百姓也誅其亂百姓者也百

姓有扞其賊則是亦賊也謂為賊之以故順

刃者生蘇刃者死犇命者貢順刃謂一戰皆

無戰城守不攻兵革不擊德義未加所以敵

也且恐傷我上下相喜則慶之敵人不攻擊

上下相喜則慶之慶人上下相

不屠城屠謂毀其城殺其不潛軍不

留眾不文久留暴師不越時古者行役故亂者

樂其政不安其上欲其至也樂音洛○東征

荀子 ○宋人弑昭公趙宣子請師於靈公以伐

宋發令於大廟召軍吏而戒樂正大音泰○

有大役不鎮撫民而備鐘鼓何也宣子曰大

罪伐之小罪憚之也憚懼襲侵之事陵也襲無

鐘鼓曰侵陵是故備鐘鼓聲其罪也以聲張

戰以錡于丁寧傲其民也錡音純○錡于形

和丁寧者謂鉦也傲戒也唐尚書云襲侵密

聲為輓事也輓音暫○暫今宋人弑其君罪

莫大焉明聲之猶恐其不聞也吾備鐘鼓為

莫大焉明聲之猶恐其不聞也吾備鐘鼓為

君故也為子偽反乃使旁告于諸侯治

兵振旅鳴鐘鼓以至於宋語○吳侵陳斬祀

殺厲祀神位有屋樹者厲疫病死師還出竟陳

大宰嚭使於師夫差謂行人儀曰是夫也多

言盍嘗問焉師必有名人之稱斯師也者則

謂之何還音旋竟音境大音泰嚭音鄙反使

也夫差吳子光之子盍何木也嘗猶大宰嚭

曰古之侵伐者不斬祀不殺厲不獲二毛獲

係虜之二毛今斯師也殺厲與其不謂之殺

厲之師與與音餘下同○欲微切之故其曰

及爾地歸爾子則謂之何獲民臣曰君王討

敵邑之罪又矜而赦之師與其無名乎勸之

○戎昭果毅以聽之之謂禮聽謂常

聞其政令殺敵為果致果為毅易之戮也

○工尹商陽與陳弃疾追吳師及之工尹商陽

弃疾疾楚公子弃疾也以魯昭八年師滅陳縣

來使蕩侯潘子司馬督贛尹午陵尹喜圍陳

弃疾謂工尹商陽曰王事也子手弓而可手

弓子射諸射食亦反下同○商陽仁射之斃

一人斃弓斃音敝下同斃什也斃韜也又及謂

之又斃二人每斃一人揜其目止其御曰朝

不坐燕不與殺三人亦足以反命矣朝直遙反與音

預○朝燕於寢大夫坐於上士立於下燕則商陽與御者皆士也兵車參乘射者在左戈

盾在右御孔子曰殺人之中又有禮焉善子在中央

路悌然進曰人臣之節當君大事唯力所及

死而後已夫子何善此子曰然如汝言也吾

取其有不忍殺人之心而已禮記檀弓家語子貢問

子路問於孔子曰臧武仲率師與邾人戰于

狐鮑遇敗焉師人多喪而無罰古之道然與

孔子曰凡謀人之軍師敗則死之謀人之國

邑危則亡之鮑音臺喪息浪反與音餘○列已亡衆非患也言亡之者雖辟

賢非古之正也其君在焉者有詔則無詔君

之教也古之為軍也軍有左右闕從補

之左右左右部成而不知是以寡敗不知敵

闕若以下貳上闕而不變敗弗補也變更

非聲音弗能移也聲金鼓也章旌旗也移動也聲音過數

則有釁有釁則敵入釁許慎反○釁隙也軍法進退旂鼓有數過則

有隙敵見隙而窺已也敵入而凶救敗不暇誰能退敵

敵之如志國之憂也可以陵小難以征大以下

事貳上可以侵陵小國○家語古者賢王明民之

德盡民之善故無廢德無簡民賞無所生罰
無所試有虞不賞不罰而民可用至德也夏
賞而不罰至教也殷罰而不賞至威也周以
賞罰德表也賞不踰時欲民速得為善之利
也罰不遷列欲民速覩為不善之害也大捷
不賞上下皆不伐善上苟不伐善則不驕矣
下苟不伐善必亡等矣上下不伐善若此讓
之至也大敗不誅上下皆以不善在己上苟
以不善在己必悔其過下苟以不善在己必
遠其罪萬反上下分惡若此讓之至也古者

成軍三年不興觀民之勞也上下相報若此
和之至也得意則愷歌示喜也愷可反偃伯靈
臺答民之勞示休也古者以仁為本以義治
之謂正正不獲意則權權出於戰不出於
中人是故殺人安人殺之可也攻其國愛其
民攻之可也以戰止戰雖戰可也故仁見親
義見說說音悅智見恃勇見方信見信內得愛
焉所以守也外得威焉所以戰也戰道不違
時不歷民病所以愛吾民也不加喪不因凶
所以愛夫其民也冬夏不興師所以兼愛民

禮記卷之六 卷之六 二十八

也故國雖大好戰必亡天下雖安忘戰必危
 天下既平天子大愷春蒐秋獮諸侯春振旅
 秋治兵所以不忘戰也愷可反蒐所反獮所反古者
 逐奔不過百步縱綏不過三舍是以明其禮
 也不窮不能而哀憐傷病是以明其仁也成
 列而鼓是以明其信也爭義不爭利是以明
 其義也又能舍服是以明其勇也舍音捨知終
 知始是以明其智也六德以時合教以為民
 紀之道也自古之政也法司馬○天子之義必
 純取法天地而觀於先聖士庶之義必奉於

父母而正於君長長丁反故雖有明君士不先
 教不可用也古之教民必立貴賤之倫經使
 不相陵德義不相踰材技不相掩勇力不相
 犯故力同而意和也古者國容不入軍軍容
 不入國故德義不相踰上貴不伐之士不伐
 之士上之器也苟不伐則無求無求則不爭
 國中之聽必得其情軍旅之聽必得其宜故
 材技不相掩從命為士上賞犯命為士上戮
 故勇力不相犯既致教其民然後謹選而使
 之事極修則百官給矣教極省則民興良矣

習貫成則民體俗矣教化之至也古者逐奔
不遠縱綏不及不遠則難誘不及則難陷以
禮為固以仁為勝既勝之後其教可復是以
君子貴之也法司馬 ○古者國容不入軍軍容
不入國軍容入國則民德廢國容入軍則民
德弱故在國言文而語溫在朝恭以遜朝直
修己以待人不召不至不問不言難進易退
易以在軍抗而立在行遂而果介者不拜兵
車不式城上不趨危事不齒故禮與法表裏
也文與武左右也法司馬 ○天子諸侯無事則

此注 詩軍 攻之 題文 釋注 者也 而不 舉注 獨舉 不疑 無疑

歲三田春曰蒐夏曰苗秋曰獮冬曰狩一為
乾豆二為賓客三為充君之庖君尊宗廟敬賓
而後已取其下也又分別殺之三等級故自左
臠而射之達過於右肩臠為上殺以其貫心
死疾肉最潔美故以為乾豆也射右耳本筭
云射當為達亦自左射之達右耳本而死者
為次殺以其遠心死稍遲肉已微惡故以為
賓客也不言自左者蒙上文可知射左股解
而達過於右脅臠為下殺以其中脅死最遲
肉又益惡充君之庖也凡射獸皆逐後從左
廂而射之達於右脅獨言射左臠則上殺達
於右臠當自左脅也次殺右耳本當自左肩
臠也不言自左舉下殺無事而不田曰不敬
之射左臠可推而知也不敬者簡祭天子不合
田不以禮曰暴天物不敬者簡祭天子不合
圍諸侯不掩羣天子殺則下大綏諸侯

殺則下小綏綏耳佳反○綏當為綏綏有大

夫殺則止佐車佐車止則百姓田獵佐車驅

國君春田不圍澤大夫不掩羣士不取麇郊

然後田獵鳩化為鷹然後設罝罝羅草木零落

然後入山林昆蟲未蟄不以火田罝音尉○

時侯也梁絕水取魚者罝小細也昆取物必順

不麇不

死不殺胎不殺夭麇音迷卯力管反死於表

物殊斷殺不覆巢覆敗也○田者大艾草以

為防艾音又○言田獵者必大艾殺野草或

舍其中舍音赦○或復止舍其中謂未田之

止舍也其防裼纏旃以為門旃諸延反○既

之廣狹無文裼纏旃以為門旃諸延反○既

衛而立門焉乃以織毛裼布纏通帛旃之竿

以為門之兩傍其門蓋南開並為二門用四

旃四表纏質以為旒旒魚列反○又以表纏

軌之裏兩間容握驅而入擊則不得入門

之廣狹兩軸頭去旃竿之間各容一握握人

四指為四寸是門廣於軸八寸也入此門當

馳走而入不得徐也教戰試其能否故令

驅馬若驅之其軸頭擊著門傍旃竿則不得

入也所以左者之左右者之右然後焚而射

馬以天子六軍分為左右雖同舍防內令

軍各在下方取左右相應其屬左者之左

門屬右者之右門不得越離部伍以此故有

陳車驅卒奔驅禽內之於防然天子發然後

諸侯發諸侯發然後大夫士發天子發抗大

綏諸侯發抗小綏獻禽於其下抗苦浪反綏

謂發矢射之也其天子發則先抗舉其大綏

諸侯發則舉其小綏必舉此綏為表天子諸

侯發時因獻其禽於其下也抗綏謂既射舉

之因置旗於其中受而致禽焉受禽獵止

則弊之故王制曰天子殺則下大綏諸侯殺

則下小綏註云下謂弊之是殺禽已訖田止

而弊綏也各舉始終故戰不出頃田不出防

之故與此不同也

不逐奔走古之道也戰不出所期之頃田不

謂出於頃防者不逐之古之道

也○詩車攻東有甫草註疏文

三牲必田狩者孝子之意以為己之所養不

如天地自然之牲逸豫肥美禽獸多則傷五

穀因習兵事又不空設故因以捕禽獸所以

共承宗廟示不忘武備又因以為田除害鮮

者何也秋取嘗也鮮音仙○秋取嘗何以也

習鬪也習鬪也者男子之事也然而戰鬪不

可不習故於搜狩閑之也閑之者貫之也貫

之也者習之也已祭取餘獲陳于澤搜所留田

又反○澤然後卿大夫相與射命中者雖不

射宮也中取也命中者雖中不取中丁何以也所

以貴揖讓之取而賤勇力之取也歸之取於

國中勇力之取也今之取於澤揖讓之取也

○魯隱公將如棠觀魚者臧僖伯諫曰凡

物不足以講大事臧僖伯公于疆也僖其材

不足以備器用則君不舉焉材謂皮革齒牙

用軍國之器君將納民於軌物者也故講事以度

軌量謂之軌取材以章物采謂之物不軌不

物謂之亂政亂政亟行所以敗也度徒各反

言器用衆物不入法度則故春蒐夏苗秋

獮冬狩獮息曲反狩手又反蒐索擇取不

名順秋氣也狩圍守也冬物皆於農隙以講

事也各隨時三年而治兵入而振旅雖四時

復三年而大習出日治兵始治其事入日歸

而飲至以數軍實數色主反飲於廟以昭

文章車服明貴賤辨等列等列順少長少詩

長丁丈反出則少者在習威儀也鳥獸之

肉不登於俎俎祭宗皮革齒牙骨角毛羽不

登於器謂以飾中法則公不射古之制也若夫

山林川澤之實器用之資阜隸之事官司之

守非君所及也射食亦反夫音扶阜才早反

取此雜根之物以資器備是昔周

司之職非諸侯之所親也○隱五年

辛甲之為太史也命百官官箴王闕大音泰

下同○辛甲周武王大史闕過於虞人之箴箴音針

也使百官各為箴辭戒中王過曰芒芒禹迹畫為九州畫胡麥反

田獵也經啓九道啓開九道民有寢廟獸有茂草各

有攸慶德用不擾人神各有所歸故德不亂在帝夷羿冒

于原獸羿五計反忘其國恤而思其麀牡鹿音

憂○言武不可重重猶數也用不恢于夏家恢枯

但念獵○左襄四年獸臣司原敢告僕夫

宣王料民於大原大音泰

仲山父諫曰民不可料也夫古者

不料民而知其少多司民協孤終音甫夫

民掌登萬民之數自生齒以上皆書於版協合也無父曰孤終死也合其民籍以登于王

也司商協民姓司商掌賜族受姓之官商金

其姓司徒協旅司徒掌合師司寇協姦司寇刑官

掌下合姦民以場協人場人掌場圃委積廩協

知中死刑之數出廩力錦反是則少多死生出入

往來者皆可知也於是乎又審之以事事謂下

田與蒐狩以王治農於籍籍藉於千按于農

簡知其數也隙按所留反春田曰按按擇也禽獸懷妊

也耨穫亦於籍耨奴邁反獲戶郭反獮於

既烝烝，殺也。烝，升也。月令孟秋乃烝。穀天子嘗新。既升，謂狩於畢時。圍守而取之。畢時，時務也。狩於畢時畢，習簡也。不謂其

也是皆習民數者也又何料焉習，習也。鳥路反。下同。言王不

少而大料之是示少而惡事也惡，鳥路反。下同。言王不

謂其衆少而大料數之是示以寡臨政示少

諸侯避之避，遠也。王室不親附也。治民惡事無

以賦令賦，令也。○周語○傳曰春曰蒐蒐，

留反夏曰苗秋曰獮獮，息典。冬曰狩。狩，手又，

苗者謂何曰苗者毛也取之不圍澤不捨羣

取大禽不麇麇，音迷。不郊。郊，力。不殺孕重者

孕，以證。反下同。春蒐者不殺小麇及孕重者冬狩皆

取之百姓皆出不失其時不抵禽不詭遇詭，

逐不出防此苗獮蒐狩之義也故苗獮蒐

狩之禮簡其戎事也故苗者毛取之蒐者搜

索之狩者守留之夏不田何也曰天地陰陽

盛長之時長，丁。反。猛獸不攬攬，厥。反。鷙鳥不搏鷙，

至搏音博。蝮蠱不螫蝮，方六。反。蠱，丑。音釋。鳥獸蟲蛇且

知應天應，於。反。而况人乎哉是以古者必有黍

牢黍，音。患。其謂之畋何畋，音。田。聖人舉事必反本

五穀者以奉宗廟養萬民也去禽獸害稼穡

者去起居反故以田言之聖人作名號而事義可

知也○禮聖主之於禽獸也見其生不食於

死聞其聲不嘗其肉隱弗忍也故遠庖厨仁

之至也遠于萬反不合圍不掩羣不射宿射食亦反不

涸澤各反豺不祭獸不田獵射音獺不祭魚

不設網罟類他達反鷹隼不鷩鷩集息九反雉

而不逮不出賴羅草木不零落斧斤不入山

林昆蟲不螫不以火田螫直立反不麝麝音不郊

鳥獸不成毫毛不登庖厨取之有時用之有

節則物莫不多○湯見祝網者置四面其祝

曰從天墜者從地出者從四方來者皆罹吾

網湯曰嘻盡之矣非桀其孰為此湯乃解其

三面置其一面更教之祝曰昔蛛蝥作網音蛛

朱蝥莫今之人循緒欲左者左欲右者右欲

高者高欲下者下吾取其犯命者其憚害物

也如是漢南之國聞之曰湯之德及鳥獸矣

四十國歸之詩曰王在靈囿麋鹿攸伏鹿音

同塵鹿濯濯白鳥皤皤皤詩作皤王在靈沼

於仞魚躍於音言德至也聖主所以在魚鼈

以無一字

儀禮經傳通解 卷三十六

禽獸猶得其所况於人民乎故仁人行其禮

則天下安而萬理得矣逮至德渥澤洽渥乙

調和大暢則天清澈澈直地富熅熅於物時

熟民心不挾詐賊氣脉淳化攫齧搏擊之獸

鮮毒蠱猛虻之蟲密毒山不蕃草木少薄矣

鑠乎大仁之化也攫罽縛反齧魚結反搏音博蠱丑略反下同虻丁宵

反音煩鑠式灼凡土功龍見而畢務戒

事也見賢遍反下同謂今九月周十一月

火見而致用大火心星次角亢水昏正

而裁裁才代反謂今十月定星日至而畢

日南至微陽始動故土功息左莊公二十九年○士彌牟營成周

計丈數所當城之丈數揣高卑揣初委反

度厚薄况域反度深日度深日物上

方議遠邇物相也相取土之宜量事期知事幾

計徒庸知用幾慮材用知費幾書餼糧餼音

以令役於諸侯屬役賦文屬之欲反

而效諸劉子諸侯之大夫

韓簡子臨之以為成命臨履其事

楚令尹薦艾獵城沂艾獵城沂

使封人慮事封人其時

慮事謀以授司徒司徒掌役量功命日分財

用財用築平板榦榦榦音侯稱畚築畚音本量

器程土物程為作議遠適均勞略基趾趾音止

行也具餼糧餼乾食也度有司度待洛反事

三旬而成為旬不愆于素愆起度反不過

言叔敖之能使言宋災樂喜為司城以為

政樂喜子穿也為正卿知將使伯氏司里伯

宋大夫司火所未至徹小屋塗大屋徹直所

里里宰陳畚揭具縶缶畚音本揭九錄反縶

就塗之陳畚揭具縶缶古杏反在方九反

畚箕籠揭土輿備水器盆量輕重計人力

蓄水潦積土塗巡丈城繕守備蓄勅六反潦

反巡行也丈度也繕治也表火道火起則

行度守備之處恐因災有亂表火道從其所

趨標使華臣具正徒華戶化反華臣華元

表之之使華臣具正徒子為司徒正徒役徒也

司徒之令隧正納郊保奔火所正音遂○隧

縣為隧納聚郊野保守之使華閱討右官官

民使隨火所起往救之使華閱討右官官

尤其司閱音悅尤芳婢反下同亦華元子

屬向戍討左亦如之向式亮反○使樂端尤

刑器亦如之司寇刑器刑書使皇鄭命校

正出馬工正出車備甲兵尤武守鄭音云校

手文反下同○皇鄭皇父充右之後使西鉏

校正正主馬工正主車使各備其官後使西鉏

儀禮經傳通釋 卷三十六 三十八

吾_レ庀_レ府_レ守_レ 吾_レ大宰也 府_レ六官之典 令_レ司_レ宮_レ巷

伯_レ傲_レ宮_レ 伯_レ寺人皆掌_レ宮內之事 一_レ師_レ令_レ四_レ鄉

正_レ敬_レ享_レ 正_レ鄉大夫享_レ祀也 祝_レ宗_レ用_レ馬_レ于_レ四_レ墉

祀_レ盤_レ庚_レ于_レ西_レ門_レ之_レ外_レ 墉_レ音容 祝_レ大祝宗宗

城_レ以_レ禳_レ火_レ 盤_レ庚_レ殷_レ主_レ宋_レ之_レ遠_レ祖_レ城_レ積_レ陰_レ之_レ氣

故_レ祀_レ之_レ凡_レ天_レ災_レ有_レ幣_レ無_レ牲_レ用_レ馬_レ祀_レ 盤_レ庚_レ皆_レ非_レ禮_レ ○_レ左_レ ○_レ魯_レ司_レ鐸_レ火_レ 鐸_レ徒_レ各_レ反 ○_レ火_レ踰_レ公_レ宮_レ

桓_レ僖_レ災_レ 桓_レ公僖 救_レ火_レ者_レ皆_レ曰_レ顧_レ府_レ 言_レ常_レ人 南

宮_レ敬_レ叔_レ至_レ命_レ周_レ人_レ出_レ御_レ書_レ俟_レ於_レ宮_レ 敬_レ叔_レ孔子

閱_レ周_レ人_レ司_レ周_レ書_レ典_レ籍_レ之_レ官_レ御_レ書_レ進_レ於_レ君_レ者_レ也 使_レ待_レ命_レ於_レ宮_レ 曰_レ庀_レ女_レ而_レ不_レ在

死_レ汝_レ ○_レ庀_レ具_レ也 音 子_レ服_レ景_レ伯_レ至_レ命_レ宰_レ人_レ出_レ禮

書_レ 景_レ伯_レ子_レ服_レ何_レ也 以_レ待_レ命_レ命_レ不_レ共_レ有_レ常_レ刑_レ 共_レ音

恭_レ○待_レ命_レ 校_レ人_レ乘_レ馬_レ巾_レ車_レ脂_レ轄_レ 校_レ戶_レ教_レ反_レ乘_レ繩

求_レ之_レ命_レ 校_レ人_レ掌_レ馬_レ巾_レ車_レ掌_レ車_レ 證_レ反_レ下同_レ轄_レ戶

乘_レ馬_レ使_レ四_レ四_レ相_レ從_レ為_レ駕_レ之_レ 易_レ百_レ官_レ官_レ備_レ府_レ庫

慎_レ守_レ官_レ人_レ肅_レ給_レ 國_レ有_レ火_レ災_レ恐_レ有_レ變_レ難_レ故_レ慎_レ為_レ備 濟_レ濡_レ帷_レ幕_レ鬱

攸_レ從_レ之_レ 鬱_レ攸_レ火_レ氣_レ也 濡_レ物_レ為_レ濟 蒙_レ葺_レ公_レ屋_レ 葺_レ七_レ入_レ反_レ○以_レ

濡_レ物_レ冒_レ 覆_レ公_レ屋_レ 自_レ大_レ廟_レ始_レ外_レ內_レ以_レ悛_レ 大_レ音_レ泰_レ悛_レ七_レ全_レ反_レ○悛_レ次_レ也_レ先_レ

尊_レ後_レ卑_レ以_レ 次_レ救_レ之_レ 助_レ所_レ不_レ給_レ有_レ不_レ用_レ命_レ則_レ有_レ常_レ刑_レ無_レ

赦_レ公_レ父_レ文_レ伯_レ至_レ命_レ校_レ人_レ駕_レ乘_レ車_レ 父_レ音_レ甫_レ下_レ同_レ乘_レ車_レ公_レ車_レ

季_レ桓_レ子_レ至_レ御_レ公_レ立_レ于_レ象_レ魏_レ之_レ外_レ 象_レ魏_レ門_レ闕 命_レ救_レ火_レ

者_レ傷_レ人_レ則_レ止_レ財_レ可_レ為_レ也 命_レ藏_レ象_レ魏_レ 周_レ禮_レ正_レ月_レ縣_レ教_レ令_レ之_レ

法于象魏使萬民觀謂其書為象魏曰舊章不可亡也富父

槐至曰無備而官辦者猶拾瀋也瀋尸審反

終生之後瀋汁也言於是乎去表之橐去起

橐古老反○表表火道道還公宮開除道周

于東門晉人新來未入使司寇出新客聘者

禁舊客勿出於宮為其知國情使子寬子上

巡羣屏攝至于大宮大音泰○二子鄭大夫

祝史徙主祐於周廟告于先君禘音石○禘

廟厲王廟也有火災故使府人庫人各做其

事做音景下同商成公做司宮商成公鄭大

寺人出舊宮人寘諸火所不及寘之鼓反

官司馬司寇列居火道備非行火所煇許

野司寇各保其徵野司寇縣士也火之明日使

郊人助祝史除於國北為祭處於國北

禳火于玄冥回祿玄冥水神祈于四墉墉音

與之材征賦三日哭國不市不憂戚使行人

與之材稅也三日哭國不市不憂戚使行人

與之材稅也三日哭國不市不憂戚使行人

與之材稅也三日哭國不市不憂戚使行人

與之材稅也三日哭國不市不憂戚使行人

與之材稅也三日哭國不市不憂戚使行人

儀禮集傳集註 卷三十六
告於諸侯 左昭十
八年

儀禮集傳集註

儀禮集傳集註 卷三十六 告於諸侯 八年

儀禮集傳集註

王朝禮十四

王制之癸 刑辟

舜曰臯陶蠻夷猾夏寇賊姦宄

陶音遙猾戶
八反宄音軌

○猾亂也夏華夏群行攻劫曰寇殺入曰
曰賊在外曰姦在內曰宄言無教所致汝作

士五刑有服 士理官也五刑墨劓剕宮大五
辟服從也言得輕重之中正

服三就 既從五刑
謂服罪也 五流有宅五宅三居 謂不
忍加

刑則流放之若四凶者五刑之流各有其所居
五居之差有二等之居大罪四裔次九州之
外次千 惟明克允 ○象以典刑
象法也法用
常刑用不越

法流宥五刑 宥音又○宥寬也以
流放之法寬五刑 鞭作官刑

以鞭為治 扑作教刑 扑音卜反○扑擾楚
也 不勤道業則撻之 金

儀禮集傳集註 卷三十六

作贖刑贖石欲反○金黃金誤贖罪 眚災肆赦怙

終賊刑眚所景反怙音戶○眚過災害肆赦終當刑 欽哉欽哉惟刑之恤哉舜陳典刑之義勅天下使

殺之欲得中○周禮太司徒以鄉八刑糾萬民一

曰不孝之刑二曰不睦之刑三曰不婣之刑

四曰不弟之刑五曰不任之刑六曰不恤之

刑七曰造言之刑八曰亂民之刑婣音因

也不弟不敬師長造言訛言惑眾亂民亂名改作執左道以亂政也鄭司農云任謂朋友相任恤

謂相憂○大司寇掌建邦之三典以佐王刑

邦國詰四方詰起吉反○典法也詰謹也書

一曰刑新國用輕典新國者新辟地立君之

二曰刑平國用中典平國承平守成之

三曰刑亂國用重典亂國篡弒叛逆之

化惡伐以五刑糾萬民刑亦法也糾一曰野

刑上功糾力功農功二曰軍刑上命糾守

三曰鄉刑上德糾孝德六德

四曰官刑上能糾職職事脩理五曰

國刑上愿糾暴愿慤慎也暴當

以圜土聚教罷民罷音皮○圜土獄城也聚罷民其中困

凡害人者寘之圜土而施職事焉以明刑

儀禮經傳通解

耻之 其無故犯法實置之國土繫教之度其困

悔而能改也實置之也施職事以所能役

改者反于中國不齒三年 反于中國謂舍之

國職曰上罪三年而舍中罪二年而舍下罪

其不能改而出國土者殺

訟入束矢於朝然後聽之 造七報反朝直造

相告者造至也使訟者兩至既兩至使入束

矢乃治之也不至不入束矢則是自服不直

禁民獄入鈞金三日乃致于朝然後聽之 劑

隨反朝直造反○獄謂相告以罪名者劑今

金又三日乃治之重刑也不券書不入金則

是亦自服不直者也必入金者取其堅也三

日鈞以嘉石乎罷民 罷音皮○嘉石文石也

成之凡萬民之有罪過而未麗於灋而害於

州里者桎梏而坐諸嘉石役諸司空重罪旬

有三日坐暮役其次九日坐九月役其次七

日坐七月役其次五日坐五月役其下罪三

日坐三月役使州里任之則宥而舍之 桎音

古毒反暮音基宥音又舍音捨○有罪過謂

邪惡之人所罪過者也麗附也未附於法未

著於法也木在足曰桎在手曰梏役諸司空

坐日訖使給百工之役也役月訖使其刑里

赦之宥寬也

無告凡遠近惇獨老幼之欲有復於上而其

長弗達者立於肺石三日士聽其辭以告于

上而罪其長曰惇其營反長丁丈反○無兄弟

謂王與六卿也報之者若上書請公○小司

寇以五聲聽獄訟求民情一曰辭聽觀其出

則二曰色聽觀其顏面色不三曰氣聽觀其氣

喘四曰耳聽觀其聽聆五曰目聽觀其眸子

以八辟麗邦灋附刑罰辟法也杜子春讀

也易曰日月麗乎天故一曰議親之辟鄭司

書附作付附猶著也二曰議故之辟故謂舊三曰

議賢之辟鄭司農云若今時廉吏有罪四曰

議能之辟鮮謂有道藝者春秋傳曰夫謀而

之固也猶將十世宥之以勸能者今五曰議

功之辟謂有大勲六曰議貴之辟鄭司農云

墨綬有罪七曰議勤之辟謂憔悴八曰議宥

之辟謂所不臣者○士師掌五禁以左右

刑罰一曰官禁二曰官禁三曰國禁四曰野

禁五曰軍禁皆以木鐸徇之于朝書而縣于

門閭左音佐右音佑鐸大各反朝直遙反縣

音玄○左右助也助刑罰者助其禁民

為非也官王官也官官府也國城中也古之

禁盡亡矣今官門有簿籍官府有無故擅入

刑罰

四

城門有離載下惟野有田律軍以五戒先後

刑罰毋使罪麗于民一曰誓用之于軍旅二

曰誥用之于會同三曰禁用諸田役四曰糾

用諸國中五曰憲用諸都鄙

士之八成一曰邦約

二曰邦賊

三曰邦謀

四曰犯邦令

五曰擄邦令

六曰為邦盜

七曰為邦朋

八曰為邦誣

鄉士掌國中

聽其獄訟察其辭

刑之罪而要之旬而職聽于朝

斷其獄弊其訟于朝羣士司

刑皆在各麗其法以議獄訟

獄訟成士師受中協日刑殺肆之

獄訟之成也鄭司農云士師受中若今二千

石受其獄也中者刑罰之中也故論語曰刑

罰不中則民無所措手足協日刑殺協合也

和也和合支幹善日若今時望後利日也肆

有器謹夜行之禁其捕可言者以五戒先後

刑罰毋使罪麗于民一曰誓用之于軍旅二

曰誥用之于會同三曰禁用諸田役四曰糾

用諸國中五曰憲用諸都鄙

士之八成一曰邦約

二曰邦賊

三曰邦謀

四曰犯邦令

五曰擄邦令

六曰為邦盜

七曰為邦朋

八曰為邦誣

鄉士掌國中

聽其獄訟察其辭

刑之罪而要之旬而職聽于朝

斷其獄弊其訟于朝羣士司

刑皆在各麗其法以議獄訟

獄訟成士師受中協日刑殺肆之

獄訟之成也鄭司農云士師受中若今二千

石受其獄也中者刑罰之中也故論語曰刑

罰不中則民無所措手足協日刑殺協合也

和也和合支幹善日若今時望後利日也肆

之三日故春秋傳曰三日棄疾請尸論語曰肆諸市朝玄謂士師既受獄訟之成鄉士則擇刑殺之日至其時而若欲免之則王會

其期免猶赦也期謂鄉士職聽于朝司寇聽之期之日王欲赦之則用此時親往議之

○遂士掌四郊異其死刑之罪而要之二旬

就郊而刑殺各於其遂肆之三日就郊而刑殺者遂士

也遂士擇刑殺日至于其時往池之如鄉士為之矣言各於其遂者四郊六遂遂處不同

若欲免之則王令三公會其期欲免之則王令三公會其期

遂士職聽之時遂士職聽之時○縣士掌野異其死刑之罪

而要之三日刑殺各就其縣肆之三日亦謂縣士

若欲免之則王命六卿會其期亦謂縣士

餘並如
○司刑掌五刑之灋以麗萬民之罪

墨罪五百劓罪五百宮罪五百剕罪五百殺

罪五百劓魚器反刑音月○墨黥也先刻其

或以墨劓為俗古刑人亡逃者之世類與官

者丈夫則割其勢女子閉於宮中若今官男

女也則斷足也周改臏作刑殺死刑也書傳

曰次關梁踰城郭而略盜者其刑臏男不

以義交者其刑宮觸易君命革輿服制度姦

宄盜攘傷人者其刑劓非事而事之出入不

以道義而誦不詳之辭者其刑墨降辟寇賊

劫略奪攘擄處者其刑死此二千五百罪之

目略也其刑書則亡夏刑大辟二百臏辟二

百宮辟五百劓墨各千周則變焉所謂刑罰

世輕世重者也鄭司農云○司刺掌三刺三

宥三赦之灋以贊司寇聽獄訟刺殺也訊而

宥寬也壹刺曰訊羣臣再刺曰訊羣吏三刺

曰訊萬民言訊壹宥曰不識再宥曰過失三宥

曰遺忘忘音妄鄭司農云不識謂愚民無所識則宥之過失若今律過失殺人

不坐死玄謂識審也不審若今仇讎當報甲見之而誠以爲甲而殺之者過失若舉刃欲斫

伐而轉中人者遺忘若間惟薄壹赦曰幼弱忘宥在焉而以兵刃射之

再赦曰老旄三赦曰蠢愚旄亡報反蠢勅江

反○蠢愚生而癡驗童昏者鄭司農云幼弱老旄若今時律令年未滿八歲八十以上非手殺人他皆不坐

○呂刑曰墨辟疑赦其罰百鍰閱實其罪辟

亦反鍰戶關反閱音悅下並同○刻其類而涅之曰墨刑疑則赦從罰六兩曰鍰鍰黃鐵

也閱實其罪使劓辟疑赦其罰惟倍閱實其與罰名相當

罪劓魚器反○截鼻曰劓刑倍百爲二百鍰

刑辟疑赦其罰倍差閱實其罪刑杖謂反○刑足曰刑倍官辟疑

赦其罰六百鍰閱實其罪官淫刑也男子割

之刑序五刑先輕大辟疑赦其罰千鍰閱實

轉至重者事之宜其罪死刑也五刑疑各入墨罰之屬千劓

罰之屬千判罰之屬五百官罰之屬三百大

辟之罰其屬二百五刑之屬三千別言罰屬

明刑罰同屬五○臧文仲言於僖公曰刑五

而已無有隱者隱乃諱也隱謂大刑用甲兵

賈侍中云謂諸夏不式王命以六師移之昭謂甲兵謂臣有大逆則被甲聚兵而誅之若

今陳軍也 其次用斧鉞 鉞音越 斧鉞軍戮也 書曰後至者斬 中刑

用刀鋸 鋸音據 亦有大小 辟故周語曰兵在其頸 其次

用鑽笮 鑽子端反 笮疾各反 鑽笮刑也 笮黥刑也 薄刑用鞭扑

以威民也 刑也 扑教刑也 鞭官 故大者陳之原

野 謂甲兵 斧鉞也 小者致之市朝 朝直遙反 朝以下也 其死刑大

夫以上及諸朝 士以下及諸市 五刑三次是無隱也 五刑甲兵

刀鋸鑽鑿鞭扑也 婦人無刑 無黥刑 雖有

刑不在市朝 朝直遙反 謂犯死刑 冉有

問於孔子曰古者三皇五帝不用五刑信乎

孔子曰聖人之設防貴其不犯也制五刑而

不用所以為至治也凡民之所以為姦邪竊

盜靡法妄行者生於不足不足生於無度無

度則小者偷惰大者侈靡各不知節是以上

有制度則民知所止民知所止則不犯故雖

有姦邪賊盜靡法妄行之獄而無陷刑之民

不孝者生於不仁不仁者生於喪祭之禮不

明喪祭之禮所以教仁愛也能致仁愛則服

喪思慕祭祀不懈人子饋養之道 懈片買反 養以尚反

○言孝子奉祭祀不敢解 喪祭之禮明則民

孝矣故雖有不孝之獄而無陷刑之民弑上

者生於不義義所以別貴賤明尊卑也別彼列反

下同貴賤有別尊卑有序則民莫不尊上而敬

長長丁丈反下同朝聘之禮者所以明義也朝直義

必明則民不犯故雖有弑上之獄而無陷刑

之民闖變者生於相陵相陵者生於長幼無

序而遺敬讓遺忘也鄉飲酒之禮者所以明長

幼之序而崇敬讓也長幼必序民懷敬讓故

雖有變闖之獄而無陷刑之民淫亂者生於

男女無別男女無別則夫婦失義婚禮聘享

者所以別男女明夫婦之義也男女既別夫

婦既明故雖有淫亂之獄而無陷刑之民此

五者刑罰之所從生各有源焉不豫塞其源

而輒繩之以刑是謂為民設罪而陷之也罪疾

正刑罰之源生於嗜慾不節夫禮度者所以

禦民之嗜慾而明好惡順天道夫音扶好禮

度既陳五教畢修而民猶或未化尚必明其

法典以申固之尚猶也申令也其犯姦邪靡法

妄行之獄者則飭制量之度量音亮有犯不孝

之獄者則飭喪祭之禮有犯弑上之獄者則

飭朝覲之禮朝直有犯闖變之獄者則飭鄉

飲酒之禮有犯淫亂之獄者則飭婚聘之禮
三皇五帝之所以化民者如此雖有五刑不
用不亦可乎孔子曰大罪有五而殺入為下
逆天地者罪及五世誣文武者罪及四世逆
人倫者罪及三世誣鬼神者罪及二世手殺
入者罪止其身故曰大罪有五而殺入為下
矣○冉有問於孔子曰先王制法使刑不上
於大夫禮不下於庶人然則大夫犯罪不可
以加刑庶人之行事不可以治於禮乎孔子
曰不然凡治君子以禮御其心所以厲之以

廉耻之節也故古之大夫其有坐不廉汙穢
而退放之者不謂之不廉汙穢而退放則曰
簠簋不飭飭整齊也有坐淫亂男女無別者別彼列反
下同不謂之淫亂男女無別則曰帷幕不修也
有坐罔上不忠者不謂之罔上不忠則曰臣
節未著有坐罷軟不勝任者不謂之罷軟不
勝任則曰下官不職罷音皮勝音升○言其下官不稱於其職不稱
其身有坐于國之紀者不謂之于國之紀則
曰行事不請言不請而擅行此五者大夫既自定有
罪名矣而猶不忍斥然正以呼之也既而為

之諱為于所以媿耻之是故大夫之罪其在

五刑之域者聞而譴發譴諱戰反○譴譴則

白冠釐纓盤水加劔造乎闕而自請罪君不

使有司執縛牽掣而加之也其有大罪者聞

命則北面再拜跪而自裁君不使人掙引而

刑殺之也掙昨沒反曰子大夫自取之耳吾遇子

有禮矣以刑不上大夫而大夫亦不失其罪

者教使然也凡所謂禮不下庶人者以庶人

遠其事而不能充禮故不責之以備禮也舟

有跪然免席曰言則美矣求未之聞退而記

之家語五刑○仲弓問於孔子曰雍聞至刑無所

用政至政無所用刑至刑無所用政桀紂之

世是也至政無所用刑成康之世是也信乎

孔子曰聖人之治化也必刑政相參焉太上

以德教民而以禮齊之其次以政事導民以

刑禁之刑不刑也化之弗變導之弗從傷義

以敗俗於是乎用刑矣顯五刑必即天倫即

也就天倫行刑罰則輕無赦行刑罰之官雖

謂合天意輕猶不得作威福刑例也例成也壹成而不可更故君子盡

心焉仲弓曰古之聽訟尤罰麗於事不以其

心可得聞乎例音刑更古行反○尤過也麗附也惟過人罰之必以事相當

而不與孔子曰凡聽五刑之訟必原父子之

情立君臣之義以權之意論輕重之序慎測

淺深之量以別之悉其聰明致其忠愛以盡

之大司寇正刑明辟以察獄訟必三訊焉音

亮別彼列反辟婢亦反○三訊萬民也有指無簡

則不聽也簡誠也有意無其誠附從輕赦從

重附人之罪以輕為比疑獄則從與眾共之

疑則赦之皆以小大之比成之是故爵人必

於朝與眾共之刑人必於市與眾棄之古者

公家不畜刑人大夫弗養也士遇之塗弗與

之言屏諸四方唯其所之弗及與政弗欲庄

之也仲弓曰聽獄獄之成成何官孔子曰成

獄成於吏吏以獄之成告於正此毗志反朝

獄獄官長正既聽之乃告大司寇聽之乃奉

於王王命三公卿士參聽棘木之下參七南

朝法左九棘孤卿大夫位焉右九棘然後乃

以獄之成疑于王王三宥之以聽命君上尚

雖已定猶三宥之不可而制刑焉所以重之

也仲弓曰其禁何禁孔子曰巧言破律巧賣

法

者道名改作變言與執左道以亂政者殺道

也也亂作淫聲演逸也或感造異服非所設奇伎奇

器以蕩上心者殺性異之伎可行偽而

堅行下孟反行詐言詐而辯學非而博順

非而澤順其非以惑衆者殺假於鬼神時日

卜筮以疑衆者殺此四誅者不以聽不聽棘

仲弓曰其禁盡於此而已孔子曰此其急者

其餘禁者十有四焉命服命車不粥於市音粥

音下同音珪璋璧琮不粥於市宗廟之器不粥

於市兵車於旗不粥於市犧牲秬鬯不粥於

市戎器兵車不粥於市用器不中度不粥於

市布帛精麤不中數廣狹不中量不粥於市

姦色亂正色不粥於市文錦珠玉之器雕飾

靡麗不粥於市衣服飲食不粥於市璋音章

反於子盈反犧許宜反反音巨鬯勅亮反中

丁仲反下同量音亮○賣成衣服非侈必偽

中伐不粥於市鳥獸魚鼈不中殺不粥於市

凡執此禁以齊衆者不赦過也家語孔子為

魯司寇有父子訟者孔子拘之家語作同三

月不別其父請止孔子舍之季孫聞之不說

義經傳通解 卷二十一 十三

曰是老也欺予別彼列反舍音捨○老大夫之尊稱家語是老作司寇

曩告余曰曩乃黨反國家必先以孝余今戮一不

孝以教民孝不亦可乎又舍之申子以告孔

子慨然歎曰慨苦代反嗚呼上失其道而殺其下

非理也不教其民而聽其訟殺不辜也三軍

大敗不可斬也獄犴不治不可刑也行音何岸

者上教之不行罪不在民故也夫慢令謹誅

賊也夫音扶徵斂無時暴也不教而責成功虐

也政無此三者然後刑可即也書云義刑義

殺勿庸以即汝心惟曰未有順事言必教而

後刑也既陳道德以先服之荀子作既陳之

而猶不可尚賢以勸之又不可即廢之又不可

而後以威憚之荀子作若不可廢不能以戰之若是三年

而百姓正矣邪民不從然後俟之以刑則民

知罪矣詩云天子是毗俾民不迷是以威厲

而不試刑錯而不用錯七數反今世則不然亂其

教煩其刑使民迷惑而陷焉又從而制之故

刑彌煩而盜不勝也勝音升夫三尺之限夫音技

空車不能登者何哉峻故也百仞之山重載

陟焉何哉陵遲故也今世俗之陵遲久矣雖

有刑法民能勿踰乎詩曰周道如砥砥音其

直如矢君子所履小人所視眷馬顧之眷音

潛焉出涕潛所為反豈不哀哉家語○温之

會晉人執衛成公歸之于周温晉之河陽成

成公鄭也晉文公討不服衛成公恃楚而不

從聞楚師敗于城濮衛侯懼出奔使元咺奉

弟叔武以受盟于踐土或愬元咺曰立叔武

矣衛侯殺其子角咺不廢命奉叔武以守國

晉人復衛侯先期入叔武將沐聞君至喜拊

髮走出前驅射而殺之元咺出奔晉會于温

討不服衛侯與元咺訟不勝故晉侯執

之歸之于京師在魯僖公二十八年晉侯

請殺之王曰不可夫政自上下者也夫音扶

出也上作政而下行之不逆故上下無怨

當從王

言君臣不相怨今叔父作政而不行無乃不可乎行不

謂不順也言晉侯不行德政夫君臣無獄獄

而聽元咺之愬欲殺衛侯也也無是非曲直之義也今元咺雖直而不可聽也君臣

皆獄父子將獄是無上下也而叔父聽之一

逆矣又為臣殺其君其安庸刑于為反○庸

用也刑布刑而不庸再逆矣一合諸侯而有

再逆政余懼共無後無後無以復不狃余何

私於衛侯晉人乃歸衛侯在魯僖三十二年也

侯不死魯僖為請於王及晉侯皆○仲弓問

納玉十穀於是歸之也○周語

古之刑教與今之刑教孔子曰古之刑省今

之刑繁其為教古有禮然後有刑是以刑省

今無禮以教而齊之以刑刑是以繁書曰伯

夷降典折民惟刑折之設反下同○書呂刑

以教民而謂先禮以教之然後繼以刑折之

也夫無禮則民無恥而正之以刑故民苟免

夫音○孔子適衛衛將軍文子問曰文子衛

扶吾聞魯公父氏父音甫○公父氏魯大夫季氏不能聽獄

信乎孔子荅曰不知其不能也夫公父氏之

聽獄有罪者懼無罪者恥夫音文子曰有罪

者懼是聽之察刑之當也當反無罪者恥何

乎孔子曰齊之以禮則民恥矣刑以止刑則

民懼矣文子曰今齊之以刑刑猶弗勝勝音

何禮之齊孔子曰以禮齊民譬之於御則轡

也轡音秘以刑齊民譬之於御則鞭也執轡

於此而動於彼御之良也無轡而用策則馬

失道矣捨轡而用策則馬失道文子曰以御

言之左手執轡右手運策不亦速乎若徒轡

無策馬何懼哉孔子曰吾聞古之善御者執

轡如組兩驂如舞非策之助也組音祖驂七

太叔于由篇言驂服和諧是以先王盛於禮

中節如組者如織組之為

而薄於刑故民從命今也廢禮而尚刑故民彌暴文字曰吳越之俗無禮而亦治何也孔子曰夫吳越之俗男女無別同川而浴民輕相犯故其刑重而不勝由無禮也

夫音扶別彼列反勝

音升並中國之教為外內以別男女異器服

以殊等類故其民篤而法其刑輕而勝由有

禮也○孔子曰民之所以生者衣食也上不

教民民匱其生飢寒切於身而不為非者寡

矣故古之於盜惡之而不殺也

惡烏路反今不先

其教而一殺之是以罰行而善不反刑張而

罪不宥夫赤子知慕其父母由審故也

扶夫音

况為政與其賢者而廢其不賢以化民乎知

審此二者則上盜先息

上盜猶大盜

書曰茲殷罰

有倫

周書康誥之文言此殷家刑罰有倫理者亦當兼用之

子張問曰

何謂也孔子曰不失其理之謂也今諸侯不

同德國君異法折獄無倫以意為限是故知

法之難也子張曰古之知法者與今之知法

者異乎孔子曰古之知法者能遠

遠謂能立其源以禮

教先也今之知法者不失有罪不失有罪其於

恕寡矣

既不以情惟法為得

能遠則於獄其防深

矣寡恕近乎濫濫廬防深治平本書曰維敬

五刑以成三德言敬刑所以為德矣周書曰

言教以惟敬五刑所以○書曰非從惟從周書

曰刑云察辭于差非從惟從言察囚辭當孔

子曰君子之於人也有不語也無不聽也有不

語則已語則無不况聽訟乎必盡其辭矣夫

聽訟者或從其情或從其辭夫音辭不可從

必斷以情斷反書曰人有小罪非皆乃惟終

自作不典式爾有厥罪小乃不可不殺乃有

大罪非終乃惟皆災適爾既道極厥辜時乃

不可殺皆所景反○周書康誥之文皆過也

也言人有小罪非過誤乃惟終自作不常用犯

汝厥罪雖小乃不可不殺也乃有大罪非終

子問聽獄之術孔子曰其大法有三焉治必

以寬寬之之術歸於察夫寬則民慢慢則姦

察之之術歸於義夫察甚則或過乎是故聽

而不寬是亂也夫聽太亟則失於詳寬而不

察是慢也察而不中義是私也中丁仲ノ反○

正若私私則民怨故善聽者雖不越辭辭不

越情情不越義夫善聽者得辭則審之書曰

上下比罰無僭亂辭

此毗志反○周書呂刑之文言上下比其罪

無聽僭亂之辭以自疑

○書曰哀敬折獄

周書呂刑之文言當哀人

敬斷其獄仲弓問曰何謂也孔子曰古之聽

訟者察貧窮哀孤獨及鰥寡老弱不肖而無

告者雖得其情必哀矜之死者不可生斷者

不可屬鰥古頑反屬之若老而刑之謂之悖

弱而刑之謂之克不赦過謂之逆悖必內反

宥過無大刑故無小是則過雖大不可宥焉此云不赦過為逆是逆於道矣率過以

小罪謂之枳枳音紙一作痕○枳猶傷也夫

乎義焉况為故宥過赦小罪老弱不受刑先

王之道也書曰大辟疑赦

辟婢亦反○周書呂刑之文言大辟

死刑疑赦又曰與其殺不辜寧失不經大禹謨

則赦寧失不常之罪書曰若保赤子周書康誥之

不枉不辜之人子張問曰聽訟可以若此乎

孔子曰可哉古之聽訟者惡其意不惡其人

惡鳥路反下同○言不疾其人但疾其意之所由起求所以生之不得

其所以生乃刑之君必與眾共焉愛民而重

棄之也是所謂刑人於市與眾棄之也今之聽訟者不惡其

意而惡其人求所以殺是反古之道也蓋以

愛惡而施之刑○孟氏之臣叛武伯之家臣武伯

問孔子曰如之何答曰臣人而叛天下所不

容也其狀自反子姑待之也姑且三旬果自歸

孟氏武伯將執之訪於夫子夫子曰無也子

之於臣禮意不至是以去子夫禮不交則意不通意不通則

疑所以生疑生則去矣今其自反罪以反除又何報焉

此所謂過而能改善莫大焉故李廣殺降兵世稱其非也子脩禮以待之

則臣去子將安往武伯乃止並孔子○楚聲子

曰善為國者賞不僭而刑不濫賞僭則懼及

濫與其失善寧其利淫無善人則國從之詩

曰人之云亡邦國殄瘁無善人之謂也濫力暫反

殄從典反瘁在醉反○故夏書曰與其殺不

辜寧失不經懼失善也不經不商頌有之曰

不僭不濫不敢怠遑命于下國封建厥福詩

頌言殷湯賞不僭差刑不濫溢不敢怠此湯

所以獲天福也古之治民者勸賞而畏刑樂行

賞而憚恤民不倦賞以春夏刑以秋冬順天

是以將賞為之加膳加膳則飲賜為于偽反

將刑為之不舉不舉則徹樂盛饌此以知其

據反○飲饜也酒食賜下此以知其勸賞也

畏刑也夙興夜寐朝夕臨政此以知其恤民

也三者禮之大節也左襄二十六年鄭人鑄刑書

鑄刑書於鼎以爲國之常法叔向使詒子產書曰詒以之

遺始吾有虞於子虞度也言準度也今則已矣

也已止昔先王議事以制不爲刑辟懼民之有

爭心也猶不可禁禦是故開之以義爭音諍

辟八婢亦反下同糾之以政糾舉也行之以禮守之

以信奉之以仁奉養也制爲祿位以勸其從

嚴斷刑罰以威其淫斷丁亂反下同懼其未

也故誨之以忠聳之以行聳息勇反行下教孟反聳懼也

之以務時所使之以和臨之以敬泄之以彊

施之於斷之以剛義斷猶求聖哲之上明察

之官上公王也官卿大夫也忠信之長慈惠之師民於

是乎可任使也而不生禍亂民知有辟則不

怠於上長丁丈反並有爭心以徵於

書而徵幸以成之徵古堯反因危文以生

弗可爲矣爲治也夏有亂政而作禹刑商有亂

政而作湯刑周有亂政而作九刑三辟之興

皆叔世也今吾子相鄭國作封洹立謗政制

參辟鑄刑書將以靖民不亦難乎詩曰儀式

刑文王之德日靖四方又曰儀刑文王萬邦

作乎如是何辟之有民知爭端矣將棄禮而

徵於書相息亮反洩况域反參錐刀之末將

盡爭之錐音佳半如字○亂獄滋豐賄賂並

行終子之世鄭其敗乎所聞之國將亡必多

制賄呼罪反所黑其此之謂乎復書曰若吾

子之言僑不才不能及子孫吾以救世也既

不承命敢忘大惠僑音喬○子產有疾謂

子大叔曰我死子必為政唯有德者能以寬

服民其次莫如猛夫火烈民望而畏之故鮮

死焉水懦弱民狎而翫之大音泰夫音扶鮮

翫音玩○則多死焉故寬難疾數月而卒大

叔為政不忍猛而寬鄭國多盜取人於荏苒

之澤大叔悔之曰吾早從夫子不及此興徒

兵以攻荏苒之盜盡殺之盜少止仲尼曰善

哉政寬則民慢慢則糾之以猛荏音九苒音

糾音糾居黜反猛則民殘殘則施之以寬寬以濟

猛猛以濟寬政是以和詩曰民亦勞止汙可

小廉惠此中國以綏四方施之以寬也毋從

詭隨以謹無良式遏寇虐慘不畏明糾之以

猛也柔遠能邇以定我王平之以和也又曰

不競不綵不剛不柔布政優優百祿是適和

之至也及子產卒仲尼聞之出涕曰古之遺

愛也允許也反從子用反讓九秀反過於葛反憐七感反練音求適在由反○左昭

年二十七

儀禮集傳集註

文獻大不克文九年巳酉初亥吉辰

吉時亥福吉也

山本平左衛門守知

